

۲۵ آگستوس ۱۳۱۰

عدد ۱۷۹

سنه ۴ (دردنجه جلد)

جل اشترا

(پوسته اجر نیله برابر)

سنه لکی ۵۰ غروش

آلتی آیلانی ۳۰ »

نسخه سی ۱ غروشه

سَمْعَةُ الْحَمْدِ
۱۳۰۷

اداره خانه و مطبعه سی

استانبولده باب عالی جاده

سندھ قره بیت کشتیخانه سی

درج ایسلین اوراق اعاده

اولیاز

مطبعه

باش محرری :

صالح ترکی

بِحُجَّتِ نَبِيِّكَ نَشَرْنَا وَلَوْ نَفَرْنَا وَإِلَّا رَبِّي هَفَفَتْ لَكَ غَنَمَتُهُ

پارچه ایدیه جک تصرف دائماً غلبه ایدر . برده امنیت ماده سی وارد در که اوده بو کبی تطبیقات فنیده پک زیاده جالب اهمیت کورینور .

ایشک دها طوغریسی فطری برماکنه نکینه حسابات نظریه واسطه سیله استخراج اولئسان بخار صرفیاتی . مقدار حقیقیسندن براز نقصان اولمالیدر . چونکه بو کبی حسابات اولجه قبول اولئسان بعض مواد اساسیه مبتنا ایدلیدیکندن حسابات مذکوره ساینجک صحیحی شوقبول اولئان مواد اساسیه ک حقیقت حاله مقادیرنه منوط اولوب عکس حالده حسابات ریاضیه - پک صحیح دخی اجرا ایدلش اولسه - نتیجه سی بالطبع خطادن سالم اولهمیه جفی شه سزدر .

خلاصه بخار ماکنه لریسک اکالی خصوصند نظریه ریاضیه تعقیب ایتکدن ایسه (هیرن) (Hirn) که اخطار ایدلیدی وجهله نظریه عملیه تابع اولمق دها نافع کورینور . نظریه عملیه اولماکنهجه تصور اولئان بر تبدیلیاتی اجرا ایتک وصوره بوندن استخراج اولئان ساینجی تحلیل ایتکدن عبارتدر . زیرا صوک درجه مکمل نظری ماکنه لر موجود اولمیدنی کبی نظریاته توفیقاً بولئسان صرفیاتده صرف تصوریدر . ص. ذ

فَلْکِیَاتُ

صوک بکرمی بسده طرفنده علم هبئد بر عطف نظر تقریباً بر عصر دن بری علم هیئتده ببتونک کشفی ویا طیف شمسیسک تحلیلی کبی کشفیات فوق العاده تصادف اولغاش ایسه ده فنونک حقیقه تقریبسه خدمت ایدم جک بعض آثارک ظهوری مشاهده اولغاشدر . مع ماقیه بزوراده فطوغرافک علم هیئت تطبیقی و آلات رصدیه نک اکیال اصلاحی کبی مواددن صرف نظر له یالکتر مسالک شمسه دار ساحه نمای ظهور اولان کشفیاند بحث ایدم جکر .

شمس

شمسک محوری اطرافنده ۲۵ کونده اکیال دور

بو بابده . ماکنه لوده صور بخاری برینه دیگر برسیال استمالی دها مناسب اولورمی؟ کبی برسؤالده وارد خاطر اوله سیار .

واقعا موسیو (ترامبلی) [Trembley] که القمان روحی اوزرینه اجرا ایدلیدی تجر به لریک ساینجی پکده عملی اولمیدنی کورلش و دیگر ارباب حکمت طرفندن آمونیاک و حامض کبریت و سارمه دار بایسلان تجر به لردن برشی استحصال ایدیه مامش ایسه ده بو بابده حقیقه طریق ترینک مسدود اولدیغه و برکون ماکنه لوده صور برینه بشقه بر سیالک اقامه ایدلمی غیر ممکن بولدیغه حکم اولنه ماز . محرک اوصافی ایله استمال اولئان سیالک جنسی ماکنه لریک صرفاً نتیجه نظر اعتباره آله جق باشلیجه ایکی ماده در . شمعی بو سوزمزی ایضاح ایچون بر مثال ایراد ایدلم .

صنایع حاضره اغانه سیله که مکمل اوله رق انشا ایدیلن بخار ماکنه سی شرایط مطلوبه تختنده بهر بارکیر قوتی ایچون ساعته ۹۰۰ کیلوگرام کور یاققده درکه بومقدار کور ۷۶۰۰ کیلوگرام صوبی بر درجه سانتیگراد تسخینه کافیدر . حال بوکه عادی برغاز ماکنه سی عین زمانده وعین مقدار بارکیر قوتی ایچون بر متره مکعبی غاز اشتهاله لزوم کو ستر مکده درکه بوده آنجق ۵۵۰۰ کیلوگرام صوبی بر درجه سانتیگراد تسخین ایدر . بوتقدیرجه غاز ماکنه لری هنوز مطلوب اولان درجه مکملاتی احراز ایدم دکاری حالده صرفیات جهتندن که مکمل بر بخار ماکنه سنک پک چوق فوقنده در دیمک ایجاب ایدر .

فقط تطبیقاند نظر مطالعه یه آله جق بعض شرایط دها شرایط وارد درکه شرایط مذکوره غاز ماکنه لریسک بخار ماکنه لریسه اولان بو رحبانیاتی بر طرف ایدیر . چونکه بخار ماکنه لریسک بونقصاتی یاقلان کوردن حاصل اولان حرارتی لایققله استمال ایدم ماسندن ایلمی کلکده اولوب حالبوکه حرارت جهتیجه ایدیه جک تصرفه

سطحی اوزرنده واقع هر نقطه مدته متفرق بر صورتند نمایان اولوب خط استوای شمسیك ایکی طرفه ۵ درجه الله ۳۰ درجه آرمسندده محصور ایکی منطقه دروندده متراکم کورینور. بوندن بشقه بوشابه لرك خط استوای شمسیك اولان بعدلری ده سالف الذکر دور و تکرر مدته تابعدر :

شابه لرك عددی حد اصغری به تقرب ایستدیکي زمانلر بونلرك آنحق خط استوای شمسیك ایکی طرفدن بشر درجه بر امتداده قدر توسع ایستدیکي مشاهده اولنور. بونی متعاقب خط استوای شمسیك ایکی طرفدن اوتوز درجه بر عرضده ظهور ایدرک نهایت اولجه بیان ایدلرکی وجهله تاحد اعظمی زمانه قدر ۵ درجه ايله ۳۰ درجه میانسده کی منطقه به مستولی اولور. حد اعظمیدن بدأ ايله حد اصغری به دکن بوش بوش استعاب ایستدیکي منطقه تاحد امتدادی اولا اوتوز درجه دن باشلیرق نهایت ایکی طرفدن بشر درجه به کلجه به قدر تنزل ایدر.

§

شوائب شمسیك ارض اوزرنه بر تأثیر مخصوصی اولوب اولمدنی اوده ن بری آرائش برآمده در . بوباده اجرا ایدیلان بر جوق تحریاتدن استخراج اولنان و شمسی به قدر قابل اعتراض اولیه حق صورتده تأسس ایش بر بولنان بر نتیجه وار ایسه اوده شوائب شمسیك مقتطیسیت ارضیه اوزرنه اولان تأثیر علنیسیدر.


معلومدرکه بر محله ابره مقتطیسیتك استقامتی بر مدت محدودده نظر فسدده بیله قطعاً ثابت دکادر . شو حادثه دقت ايله معاینه ایدلرکی صورتده کوریلور که ابره مقتطیسیتك استقامتی صورت نمادیده تحول ایدر ایسه ده بونحوالات پک جزئی اولدیغندن بر مدت محدودده نظر فندن ثابت کی قبول اولنه بیلیر . مع مافیه هر کون شو بولندیفز نصف کره شمالیه ابره تکه متوجه اولان اوجی طلوع شمسی متعاقب غریبه طوغرو جزئی قایل و متعاقباً شرقه متوجهاً حرکت ایدرک نصف الیدن ایکی ساعت اولجه وضعیت متوسطه سی کسب ایدر و تا تکرار طلوع

ایستدیکي اطرف فسدده بولنان شابه لرك مشاهده ایدلرکی کوندنبری معلوم برآمده در . فقط صوکرملری سطح شمس اوزرنده خط استوای شمسی به قریب بولنان لک لرك قطب لری یقین بولنانلردن ده آاز بر مدت نظر فسدده اتمام دور ایدلرکی کورولش و شمک حرکت دورانی سی مدت ك سطحی اوزرنده هر نقطه بر اولمدیغه دائر بین الراصدین بر فکر حاصل اولشدی . ایسته موسیو (ویلسینگ) (wilsing) شمک مدت دوراتی . فاکوللرک مشاهده سی یاردیمله . تعیینه موفق اوله رق بوفکرک عدم اصابتی اثبات ایشدر . شوبله که : موسی ايله بوبوده اجرا ایدلرکی رصدات واسطه سیله سطح شمک هر نقطه سنک سرعت دورانی بر اولدیغنی و کافه سی ۲۵ کون ۵ ساعت ۲۸ دقیقه ده اکل دور ایدلرکی میدان شوبه ایصال ایشدرکه شو نتیجه شمک نظریه حکمیه سنجیه پک زیاده حائر اهمیت بولنشدر :

§

اطراف شمسه بولنان شوائب عددینک زمان زمان تحول ایستدیکي واقعا قدیمدن بری نظر دقتی جلب ایش برآمده ایدلرکه بونلرك عددینک بر مدت معینه نظر فسدده عین نظام اوزرنه تکرر ایشی حادثه سی آنحق ۱۸۵۱ سنه میلادیه سنده (شواب) (Schwab) طرفندن کشف اولنشدی : بومدت معینه ت ۱۱ سنه اولدیگی اوزمان میدانه جیمش ایدی . فقط سبب حقیقی سی بولنه مامش ایدی . ۱۸۸۹ سنه میلادیه سنده شابه لرك عددی پک زیاده تناقص ایدرک حتی بر آی متدایاً سطح شمسه لکدن هیچ بر اثر مشاهده اولنامشدی . اندن صوکره بالعکس بوشابه لرك عددی ایچنده بولندیفز شو ۱۸۹۴ سنه سنه قدر تزايد ایستدیکي کبی کله چک ۱۹۰۰ سنه سنه قدر تناقص ایدرک کیده چکی مأمول قوی بولنشدر .

مع مافیه سطح شمسه بولنان لک لرك عددی حد اعظمی وحد اصغریه داخل اولدیغنی زمان پک محبتله تعیین اولنه میجنی جهتله شو دور و تکررک مدته پکده خطی نظریه باقیله ماز . کره شمسی محیط اولان شابه لرك مذکورک



شواذب شمسیه‌نك حد اصغریه و وصولی هنكاته تصادف استدر میشدی .

اخیراً موسیو (اوور) (Auwer) ك نشر ایلدیكی رصدانه نظراً قطر شمك هچ بر صورتله تحویل ایتدیكی وحتى شمك باصیقانی $\frac{1}{1000}$ نسبت ثابت‌سندن تخلف ایلدیكی تحقیق ایتشدر .

عطارد

عطارد همان دانشا شماعات شمسیه به مستغرق بولندیقند قادی كوز ابله كوریلهمز ایسهده آقشاملری بمعدل الغروب و یاخود سیاحلری قبل الطلوع جزئی بر مدت سمداء مشاهد اولنور . حتی مسلك جدیدك مؤسس بولتان مشهور (قوبرنیک) (Capernie) آقشام، صباح بولندیقنی محله سیسك اكسبك اولمانسندن طولانی سیاره مذكوری كورمك موفق اوله‌امشدر . ارباب هیئتند (قروت) (Schroter) ك بوندن یوز‌سنه اول اجرا ایلدیكی رصدانه نظراً موسی الیهدن تا كین ۱۸۸۹ سنه میلادی‌سنه كلنجیه قدر سیاره مذكوره مك محوری اطرافده ۲۴ ساعت ظرفنده اكال دور ایتكده اولدیقنی قبول اولنور ایدی . سنه مذكوره ظرفنده و مارصداخانه‌سی مدیری موسیو (كپارلی) (Schiaparelli) ۱۸۸۱ سنه میلادی‌سندن ۱۸۸۹ سنه قدر اجرا ایلدیكی رصداندن استحصالی ایتدیكی نتیجه كوره سیاره مذكوره مك حرکت محوری‌سی مدتك شمس اطرافده اجرا ایلدیكی حرکت دورانیه مدتی اولان ۸۸ كونه یعنی دور نجومیسی مدتسه مساوی اولدیقنی تبیین ایتشدر . بو حالد دور نجومیسی مدتی دور محوری‌سی مدتسه مساوی اولان قركی عطارد كده ارضه نظراً عین وجهی عرض ایتسی طبیعی‌سدر . عطاردك حرکت محوری‌سی مدتی قیمت حقیقه‌سندن يك دون اولدیقنی حالده فصل اولمشده یوز . یوز الی سنه قدر فرقه وارلامشدر . دنبله جك الور ایسه بو سؤاله جواب ویرمك يك قولاید: شو بولندیقن عرضلرده سیاره مذكوره آنجق فیر

شمسه قدر شو وضعیتی محافظه ایلر كه ابره مقناطیسیه‌نك انحرافجه كوندوزین وقوعه كلن شو تحوله «تغیر یومیسی» نامی ویریلر . بو تغیر یومینك وسعتی یاز موسنده قیشدن زیاده اولدیقنی کی هر موقع ییچونده بردكدر . معافیه معلوم بر موقع ییچون تغیر یومینك وسعتجه وقوعه كلن تحولاتده شایان دقت بر نقطیه تصادف اولنور كه اوده شو وسعت تغیرك ۱۱ سنه ظرفنده منتظماً تزیاد و تناقص ایتسی کیفیتدر . تغیر یومینك وسعت اعظمیه مالك اولدیقنی زماندر شواذب شمسه عددینك حد اعظمی به بالغ اولدیقنی زمانه توافق ایتدیكی كی تغیر یومینك حد اصغری‌سی ده شواذب شمسه عددینك اك از بولندیقنی زمانه تصادف ایدر . شواذب شمسیه‌نك عددیه ابره مقناطیسیه به عارض اولان تغیر یومینك وسعتی ییچونده کی مناسب شو صوك سنه‌لرده ایدیان مشاهدانه كوره دها صعبی بولنشدر .

شویله‌ك: سطح شمسه یكی بر شایه‌نك ظهوری ابره مقناطیسیه‌نك حرركاتجه بر تبده سبب اولدیقنی كورلمشدر . آخراً اجرا ایدیان رصدات و مشاهدات، مقناطیست ارضك تحولاتی ۲۶ كونده عینله تكرار ایتدیكی میدان چقارمشدر كه شو مدت شمك محوری اطرافده اجرا ایلدیكی حرکت دورانیه‌نك مدتسه توافق ایتسیله حقیقه شایان دقتدر .

الحاصل سطح شمك حالت طبیعی‌سك، كره ارضك احوال هواپیه‌سی اوزرینه بر تأثیری بولندیقنی واز جمله بو تأثیر درجه حرارتك تزیاد و تناقصی و تضیق هوانك رفع و تنزلی یغور و فورطنه‌لرك ظهور و حدوثی وحتى حرکت ارضك حصولی جهتلرنجه وقوعه كلدیكی بعض طر فیردن ادعا ایلش ایسهده بو باده اجرا اولسان تحریرات بو مدعاك اصلی اولدیقنی اثبات ایتشدر .

§

وقبله شمك درجه فعالیتنه كوره قطر ظاهرینك، ولوكه جزئی اولسون، تحول ایتدكینه دأر بر ظن حاصل اولش وبعض مشاهداتده قطر ك تزیادی زمانی

و شفق آشناسنده و همان عین ساعتزده جزئی بر مدت مشاهده ایدیه جکندن بر قاج کون متعاقباً اجرا ایدیه جک رسداتک نتیجه سنده وجه عطاردده هیچ بر تحول کورمامک یک طبیعیدر .

بو حالده یا عطاردک حرکت محوریسی مدتی ارضک حرکت محوریسی مدتسه یعنی ۲۴ ساعته یک قریب بولغمی و یاخود شو حرکت غایتله بطی ، اولسنه مبنی بر ایکی کون ظرفندمکی ایلیزلیسی هیچ متابه سنده اولسی کبی خاطر مکلان ایکی فرضیه نک برینی قبوله مجبوریت حاصل اولور . ایسته بویه بر رسدانه شاهد اولان (قروتر) ک فکریسه برنجی فرضیه ملایم کلسیه سیاره مذکور نک دور محوریسی مدتک ۲۴ ساعته مساوی اولدیفنی قبول ایتش و آندن صکره کلان هیئتشناسانده مومی الهیک شو قبولی تصدیق ایشلر ایدی . حالبوکه (کپارللی) نک اثبات ایتدیکی وجهله حقیقت حاله مقارن اولان اصل ایکنجی فرضیه یعنی عطاردک حرکت دورانیسی مدتک تقریباً سکلان صکر کون ظرفنده اکل دور ایتسیدر .

§

عطاردک کتلهسی ده هیئتشناسان نژدنده یک معلوم دکلدر . چونکه سیاره مذکور نک اطرافنده حرکت ایدر بر یک بولغدیفتدن بالطبع کتله سنک طوغریدن طوغرییه تعینی ممکن اوله میه جفی کبی جر نک یک کوچوک اولسی حسیله دیگر سیاراتک یقینلرندن یکبر ایکن آتیر اوزرندده حصوله کتیره جسی انقلاباتده یک جزئی اوله جفندن بونوع تبدلاتندن ده صحیح اوله رق استخراج ایتک قابل المااز .

مشهور (لووریه) (Leverrier) ایتدای امرده عطاردک نظریهسی ایله اشتغال ایتش فقط بویصوصده کوردیکی مشکلاته بناء بو اشتغالدن صرف نظر ایتشیدی . مؤخر آ نظریه مذکور مبنی اکماله وفق اوله رق ۱۸۵۹ تاریخ میلادیه سنده سیاره مذکور نک حرکت حسیضیه سنده کی مقدار تعجیلی ، سیارات معلومه نک تأثیرات خارجیلری دخی

داخل حساب ایدیلدیکی حالده . جاذبه عمومی قانونی ایله ایضاح ایتک ممکن اوله مدیفنی بیان ایتشیدی . ایسته بونک اوزرینه درکه (لووریه) عطاردله شمک آره سنده بر ویاخود بر قاج سیارمک دها بولغدیفته قانع اولمشدر . بین الشمس و العطارد وجودی فرض اولنان بو سیارملر آتقیق اجتماع سفلی زمانلرندده قرص شمک اوکندن مرور ایدمچکری هنکامده ویاخود شمسه کسوف کلی عارض اولدیفنی آتالزده مشاهده اوله میه جکندی ده افاده ایشلدر . اولجه قرص شمک حذاسندن بر طاقم کثیف و مدور اجرامک یکجیدیکی کورلمش اولسنه و (لووریه) نک فرضیهسی ده بونوع مشاهدهاتی بین الشمس و العطارد موجود اولان سیاراته عطف و اسناد ایدر نک ایضاح ایتسنه مبنی فرضیه مذکورده اوزمانلر قبول عامیه مظهر اولمش ایدی . مؤخر آ دو قنور (له قاربول) (Lescarbault) طرفندن مشاهده ایدیلان بومثللو بر حادثه کویا فرضیه مذکور نک صحتی تصدیق ایتشیدی .

بونک اوزرینه مومی ایله (لووریه) کندیسفجه اک زیاده امنیت بخش اولان رسدانه اثبات ایدر نک وجودیه قانع اولدیفنی و (وولکن) نامی ووردیکی برسیارمک محرکفی حساب ایتدی و سیاره مذکور نک ۱۸۷۷ سنه میلادیهسی مارتک ۲۱ نجی کونیهله ۲۳ نجی کونی قرص شمس حذاسندن مرور ایدمچکی اعلان ایلدی . وقت معیننده بویه بر حادثه نک وقوعی مشاهده ایدمکیکندن بالضروره شمک کسوف کلیسی زمانلرینه انتظار اولندی . مؤخر آ ۱۸۷۸ سنهسی تموزک ۲۹ نجی کونی ایله ۱۸۸۳ سنهسی مارتک ۶ نجی کونسده وقوعه کلان کسوف کلایلر آشناسنده دنیاتک مشهور واک ماهر هیئتشناسانی « وولکن » نامنده کی سیارمبنی بولم ایچون پیوده بره ستادم تخری ایتشلردر . ایسته بوزماندن اعتباراً بین الشمس و العطارد سیاراتک وجودی مادهسی هیئتشناسان نژدنده اهمیتدن ساقط اولغه باشلامشدر . مع مافیه شونی اعتراف ایتیلدرکه (لووریه) نک حساباتی مؤخر آ بر جوق ارباب هیئت طرفندن تدقیق

مواهب طیبہ

علم حفظ صحت

• الدہ کی صحتی محافظہ ایچک ایچون برہمت ، غالب اولان صحتی الہ کچیرمک ایچون بیک ہمت لازمدر • دین طبیب حقیقہ یک طوغرو سولہ مشدر . شو حکمت طبیبہ علاوہ اولتہ حق برجلہ وارسہ اودہ • بعضاً اوبیک ہمت دہ نمرہ سز قالہر • سوزیدر . سعادت بشریہک ہر جہتدن باشی صحتہ باغلی اولوب کرک عمومی کرک خصوصی صحتہ سز حیاتک اصلا قدر وقیتی بقدر . صحت الک بیوک بر سرمایہ بختیاریدر . بوسرمایہ ہیچ بر شیئہ ترجیح • ہیچ بر شی ایچون فسادا ایدیلہ سز . ملاحظہ سز محاکمہ سز فکر لر زوتی صحتدن اوستین طوئار لر حال بوک صحت وعافیتک یاندہ ثروت وسامان اودر جہ عادی قالیرک نسبت و قیاس بیلہ قبول ایتمز .

صحتدن ثروت تولد ایدر . یعنی صحت وعافیت سایہ سندہ ثروت قازانیلیر . حال بوک اکثراً یافتہ لر فدا ایدلسہ صحتی الہ کچیرمک ممکن اولہماز . حتی دیہ سیلیرمک صحتہ سز ثروت صاحبیک آلام واضطرابی تشدید بیلہ ایدر . الحاصل بشریتک بوکون واصل اولدینی مرتبہ ترقی . درجہ مدنیت ہب صحت سایہ سندہ ہب عافیت واسطہ سیلہ در . شمعی بر کرہ دوشونمی وبویلہ بر نعمت عظمائیک حفظ ووقایہ سی اصولدن • قواعندن انسانلری آکامہ الہین بر علم بر فن نفقہر عالی نفقہر فائدہ لیدر . بوعلویتہ بناء درک (علم ابدان) بالجلہ علومہ مرجع طوئلشدر .

کافہ علوم وفنون انسانک جہاتی کیدہ درک افکار پی تنویر ایدر • محیطی اوکرہ دیر • بر مصلک قازانیدیر • صنایع • زراعت • تجارت وسازرہنی تعلیم ایلر • فقط انسانک بو اوکرندیک معلومایدن ہم کندی استفادہ ایدوب • ہم عالمی مستفید ایلسی ایچون مالک اولدینی صحتی محافظہ ایچہ سی الزم اولوب عکس تقدیردہ نہ اوعلمدن نہ او مسلدکن • نہ اوصفتدن بر فائدہ کورمز • نہ

اولہ زرق صحتی تصدیق ایدلشدر • بناء علیہ عطاردرک نقطہ خضضندہ مشاہدہ اولنان شو حرکت انقلابیہ نک اسبابی هنوز تعین ایجامش بر مسئلہ دیمک اولور •

زہرہ

سیارات میانندہ ارضہ مسافجہ الک یقین بولنسانی زہرہ اولدینی معلومدر • سیارہ مذکورہ بعضاً یک ششمہ پاش بر صورتہ نمایان اولور وحتی بو آئسادہ کوندوزین ستادہ بولندینی موقع بیلندیک حالہ کوز ایلدہ کورمک ممکن اولور •

شمعہ فوق العادہ سیلہ برابر سطحی اوزرندہ عارضات مهمہ نک مشاہدہ سی ممکن اولہمامسنہ مبنی محوری اطرا فندہ اجرا ایلدیک حرکت دورانیہ نک مدتی اولقی اوزرہ علی العادہ قبول ایدیلان ۲۳ ساعت ۲۱ دقیقہ قطعی و صحیح عد اولنہماز • معافیہ ۱۸۸۴ سنہ سندہ موسیو (استالہ ویولیم) سیارہ مذکورہ اوزرندہ برنہرک منصبی آذیرر انجہ وسیاہ بر چیزیک نک وجودی کورمش اولدینی بیان ایتمشدر

اول امردہ ہیئتشناساندن (فوئتانہ) طرقدن ۱۶۴۵ تاریخندہ زہرہ نک اطرافندہ حرکت ایدر بر بیک اولدینی اعلان ایدلش وتاریخ مذکوردن تا ۱۷۶۸ سنہ سندہ قدر بکن بر عصردن زیادہ بر مدت ظرفندہ ظهور ایدن ہیئتشناسانک اکثر سی موسی الہ (فوئتانہ) نک اشعاراتی تصدیق ایش ایدہ بولنایچدن اعتباراً آلات رصدیہ قات قات تکمل ایلدیک حالہ بویلہ بر بیک وجودی ہنوز کیسہ کورمکہ موفق اولہماشدر • بونک اوزرینہ ارباب ہیئدن (ہوزو) (Hausan) وقتیلہ وجودی ادعا اولنان بر بیک رصداتی زعمجہ تصدیق ایچون زہرہ ایلہ ارض میانندہ سیر ایدر بر یکی سیارہ نک وجودی قبول ایچک کی بر فکرہ ذاہب اولہ زرق شو سیارہ (نیث) (Neith) اسمی ویرمشدر • (مابعدی وار)

ص . ذ